

Das Sexste Buch.

Argument des Sexsten Buchs.

Alle Lauff/ Influss/ vnd Wirkung *Veneris* sampt iren Kreittern/ Tier/ Stein/ Zeit/ Tag vnd Stunden/ auch Krafft/ vnd Tugend irer Essens/ Del/ Salz/ *Mineralia* / vnd anders der *Venus* vnderworffen/ heimlichkeit der Glider/ vnd des Freytags/ &c. Unkeisheit vnd irer gspilen Eigenschafft/ Natur der Kinder *Veneris*/ Vnd wer die seyen/ wunderliche list/ Spitzfindigkeit/ vnd glust der Frawen/ vnd das *Venus* Berck ein fabel/ vnd jez auff dem ganzen Erdpoden aussgspreit sey / auch wie *Venus* / in alle andre Metal (ausgenommen in eyssen) mög Mutiert/ vnd verendert werden / auch wormit/ wenn/ vnd wie die *Mutation* beschechen sol.

Leonhardt Thurneisser zum Thurn Das Sexte Buch.

Adem wir kamen auff das feldt/
Ein lustig schön grien seidin Zelt.
Stündt mit Schmaragten wol/
gestickt /
Mit Crisoliten/ vberspickt.
Hinder dem Zelt ein Kűpferin stat
Gantz vberall/ metallen Kott.
In der zelt/ waren feil Jungfrawen/
Schön lustig/ ziert/ vnd an zűschawen.
Hetten all grűnen Samat an/
Auch schöne Krenz von plűmen schon.
Dorunder eine vberdmas/
Von Goldt schön ziert/ vnd kleidet was/
Die sprach fraw Art/ seit wilkom hie/
In langer zeit gsach ich eűch nie.
Wo habt jr eűch so lang ernűrt/
Ich hab lang zait nichts von eűch ghűrt.
Was sucht jr hie in diesem Land/
Wer ist den jr fiert bey der handt.

Ein *Albatio* des Kűpffers vnd Messings.

Albatio

• Wann die *Venus* steht in dem Zeichen der *Wag*.
Vnd der *Mon* in seinem zűnchmen ist.
So nempt.
Lebenten *Kalch* 6. partt.
Doran giest schön *Wasser*.
Lasts doran stehn 24. stundt.
Darnach so giest das *Wasser* darvon.

Ein *Albatio* des Kűpffers vnd Messing/ das ist ein Weisung/ nam mit das Metall nicht allein aussen weis werde sondern gang durch vnd durch sich schneiden/ giessen/ hameren last doch so bleibe es gleich wol Kűpffer/ vnd bester vff der Capell nicht/ ob es gleich dem Silber gleich ist.

Gott